



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.27. Joannes Parmensis condemnatur.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

§. XXVII.

Joannes Parmensis condemnatur.

Sæcul. XIII.

A. C. 1256.

Cum primum S. Bonaventura Romam venisset ut Ordinis sui Minister Generalis, Joannis Parmensis adversarii urgebant, ut in hunc & hujus socios tanquam de fide perperam sentientes inquireret. Producebantur puncta complura ex eorum operibus excerpta: sed post examen serium nihil, quod fidem læderet, deprehensum fuit. Ventum denique ad præcipuum accusationis caput, & rogabantur, quid sentirent de Abbate Joachimo & doctrina ejus? Laudabant virum, & obfirmatis animis asserebant, eum nihil falsi docuisse de naturæ divinæ unitate, ac personarum triade (hoc quippe mysterium erat, de quo maxime agebatur) ejus sensa fuisse consentanea doctrinæ Patrum & Conciliorum; ac Lateranense novam rei decisionem omittere potuisse. Inter duos Joannis Parmensis socios asperior, fervidiorque, seu objiceret, seu responderet, sed & doctior Gerardus erat, qui Theologiam per aliquot annos jam tradiderat. Tandem ambo, cum pertinaciter sententiis suis adhærerent, a Judicibus ad perpetuum damnati carcerem cum gaudio adierunt, se veritatis causa exagitatos rati. Leo-

*Vading. n. 5.**Vita ap.**Boll. to. 8.**p. 64.**Hist. Ecclesiast. Tom. XXI. O nar-*

Sæc. XIII. A.C. 1256. nardus ibi vitam posuit, Gerardum post
decem & octo annos S. Bonaventura e-
misit.

Parvum Hetruriæ coenobium erat, in
quo Joannis Parmensis causam cogno-
scebant delecti a Bonaventura Judices.
Papa rei curam commisit Cardinali Jo-
anni Cajetano de Ursinis, qui postea Ponti-
fex evasit Maximus. Nihil in Joanne
culpæ inventum, nisi quod Abbati Joa-
chimo, & hujus doctrinæ nimium addi-
ctus esset: ac demum ad diuturnum car-
ceris squalorem condemnatus fuit. Sed
interveniebant epistolæ, quas Cardina-
lis Ottobonus Innocentii IV. nepos (post-
modo & ipse Papa) Cardinali Cajetano
& S. Bonaventuræ scripserat, de fide
Joannis Parmensis sponsorem agens, in-
dicansque, se, quidquid huic Religioso
fieret, sibi factum esse crediturum. Cum
Cardinalem Cajetanum hæ litteræ com-
movissent, sententia executioni data non
est; ac Minister Generalis Joanni detulit
optionem loci, quem vellet incolere.
Elegit angustum coenobium Grecchianum
prope Reate, ibique annos triginta duos
permanfit.